




史傳與現代生活：

第十五講 關羽、張飛與趙雲

第十五講 關羽、張飛與趙雲

-- 關羽

□出處：《三國志 蜀書六 關張馬黃趙傳第六》

□性格

➤關羽之義氣-曹操、關羽之間

✓建安五年，曹公東征，先主奔袁紹。曹公禽羽以歸，拜為偏將軍，禮之甚厚。紹遣大將（軍）顏良攻東郡太守劉延於白馬，曹公使張遼及羽為先鋒擊之。羽望見良麾蓋，策馬刺良於萬眾之中，斬其首還，紹諸將莫能當者，遂解白馬圍。曹公即表封羽為漢壽亭侯。

第十五講 關羽、張飛與趙雲

-- 關羽

□出處：《三國志 蜀書六 關張馬黃趙傳第六》

□性格

➤關羽之義氣-曹操、關羽之間

✓初，曹公壯羽為人，而察其心神無久留之意，謂張遼曰：「卿試以情問之。」既而遼以問羽，羽歎曰：「吾極知曹公待我厚，然吾受劉將軍厚恩，誓以共死，不可背之。吾終不留，吾要當立效以報曹公乃去。」遼以羽言報曹公，曹公義之。及羽殺顏良，曹公知其必去，重加賞賜。羽盡封其所賜，拜書告辭，而奔先主於袁軍。左右欲追之，曹公曰：「彼各為其主，勿追也。」

第十五講 關羽、張飛與趙雲

-- 關羽

□ 性格

➤ 自視甚高：與馬超競美

✓ 羽聞馬超來降，舊非故人，羽書與諸葛亮，問超人才可誰比類。亮知羽護前，乃答之曰：「孟起兼資文武，雄烈過人，一世之傑，黥、彭之徒，當與益德並驅爭先，猶未及髯之絕倫逸群也。」羽美鬚髯，故亮謂之髯。羽省書大悅，以示賓客。

第十五講 關羽、張飛與趙雲

-- 關羽

□ 性格

➤ 關羽之勇

✓ 羽嘗為流矢所中，貫其左臂，後創雖愈，每至陰雨，骨常疼痛，醫曰：「矢鏃有毒，毒入于骨，當破臂作創，刮骨去毒，然後此患乃除耳。」羽便伸臂令醫劈之。時羽適請諸將飲食相對，臂血流離，盈於盤器，而羽割炙引酒，言笑自若。

第十五講 關羽、張飛與趙雲

-- 關羽

□ 性格

➤ 關羽之情

- ✓ 裴注引蜀記曰：曹公與劉備圍呂布於下邳，關羽啟公，布使秦宜祿行求救，乞娶其妻，公許之。臨破，又屢啟於公。公疑其有異色，先遣迎看，因自留之，羽心不自安。此與魏氏春秋所說無異也。
- ✓ 獻帝傳嘗載：關羽屢請太祖，求以杜氏(秦宜祿之妻)為妻。

第十五講 關羽、張飛與趙雲

-- 關羽

□ 關羽之事蹟

➤ 關羽事業之頂峰

✓ 二十四年，先主為漢中王，拜羽為前將軍，假節鉞。是歲，羽率眾攻曹仁於樊。曹公遣于禁助仁。秋，大霖雨，漢水汎溢，禁所督七軍皆沒。禁降羽，羽又斬將軍龐德。梁郄、陸渾群盜或遙受羽印號，為之支黨，羽威震華夏。

第十五講 關羽、張飛與趙雲

-- 關羽

□ 關羽之死

➤ 曹魏之計與吳蜀交惡及關羽之驕

✓ 司馬宣王、蔣濟以為關羽得志，孫權必不願也。可遣人勸權躡其後，許割江南以封權，則樊圍自解。曹公從之。

第十五講 關羽、張飛與趙雲

-- 關羽

□ 關羽之死

➤ 曹魏之計與吳蜀交惡及關羽之驕

✓ 先是，權遣使為子索羽女，羽罵辱其使，不許婚，權大怒。又南郡太守麋芳在江陵，將軍傅士仁屯公安，素皆嫌羽輕己。羽之出軍，芳、仁供給軍資，不悉相救。羽言「還當治之」，芳、仁咸懷懼不安。於是權陰誘芳、仁，芳、仁使人迎權。而曹公遣徐晃救曹仁，羽不能克，引軍退還。權已據江陵，盡虜羽士眾妻子，羽軍遂散。權遣將逆擊羽，斬羽及子平于臨沮。

第十五講 關羽、張飛與趙雲

-- 關羽

□ 《三國志》與《三國演義》中關羽形象之差異

- 《三國演義》載關羽斬華雄，《三國志》則載華雄為孫堅所殺。
- 《三國演義》載關羽斬文醜，《三國志. 袁紹傳》則載文醜為曹操其他將領所殺。
- 《三國演義》載關羽降曹乃因先約定三事，《三國志. 關羽傳》則載" 曹公禽羽以歸" 。

第十五講 關羽、張飛與趙雲

-- 關羽

- 《三國志》與《三國演義》中關羽形象之差異
 - 《三國演義》載關羽單刀赴會，《三國志·魯肅傳》則載明主角為魯肅而非關羽。"肅邀羽相見，各駐兵馬百步上，但請將軍單刀俱會。肅因責數羽曰：「國家區區本以土地借卿家者，卿家軍敗遠來，無以為資故也。今已得益州，既無奉還之意，但求三郡，又不從命。」語未究竟，坐有一人曰：「夫土地者，惟德所在耳，何常之有！」肅厲聲呵之，辭色甚切。羽操刀起謂曰：「此自國家事，是人何知！」目使之去。備遂割湘水為界，於是罷軍。

第十五講 關羽、張飛與趙雲

-- 關羽

- 《三國志》與《三國演義》中關羽形象之差異
 - 《三國演義》載關羽不近女色，但《三國志. 獻帝傳》嘗載：關羽屢請太祖，求以杜氏(秦宜祿之妻)為妻。

第十五講 關羽、張飛與趙雲

-- 張飛

□ 張飛之性格

➤ 張飛之勇

✓ 曹公追之，一日一夜，及於當陽之長阪。
先主聞曹公卒至，棄妻子走，使飛將二十騎拒後。飛據水斷橋，瞋目橫矛曰：「身是張益德也，可來共決死！」敵皆無敢近者，故遂得免。

第十五講 關羽、張飛與趙雲

-- 張飛

□張飛之性格

➤張飛之智-智取嚴顏並大義釋之

✓先主既定江南，以飛為宜都太守、征虜將軍，封新亭侯，後轉在南郡。先主入益州，還攻劉璋，飛與諸葛亮等泝流而上，分定郡縣。至江州，破璋將巴郡太守嚴顏，生獲顏。飛呵顏曰：「大軍至，何以不降而敢拒戰？」顏答曰：「卿等無狀，侵奪我州，我州但有斷頭將軍，無有降將軍也。」飛怒，令左右牽去斫頭，顏色不變，曰：「斫頭便斫頭，何為怒邪！」飛壯而釋之，引為賓客。飛所過戰克，與先主會于成都。

第十五講 關羽、張飛與趙雲

-- 張飛

□ 張飛之事蹟

➤ 張飛之將才

- ✓ 曹公破張魯，留夏侯淵、張郃守漢川。郃別督諸軍下巴西，欲徙其民於漢中，進軍宕渠、蒙頭、盪石，與飛相拒五十餘日。飛率精卒萬餘人，從他道邀郃軍交戰，山道迤狹，前後不得相救，飛遂破郃。郃棄馬緣山，獨與麾下十餘人從問道退，引軍還南鄭，巴土獲安。

第十五講 關羽、張飛與趙雲

-- 張飛

□ 張飛之死-不恤士卒

➤ 初，飛雄壯威猛，亞於關羽，魏謀臣程昱等咸稱羽、飛萬人之敵也。羽善待卒伍而驕於士大夫，飛愛敬君子而不恤小人。先主常戒之曰：「卿刑殺既過差，又日鞭撻健兒，而令在左右，此取禍之道也。」飛猶不悛。

第十五講 關羽、張飛與趙雲

-- 張飛

□張飛之死-不恤士卒

- 先主伐吳，飛當率兵萬人，自閬中會江州。臨發，其帳下將張達、范疆殺飛，持其首，順流而奔孫權。飛營都督表報先主，先主聞飛都督之有表也，曰：「噫！飛死矣。」

第十五講 關羽、張飛與趙雲

-- 張飛

□ 二人與劉備之關係及待人方式

- 先主與二人寢則同床，恩若兄弟。而稠人廣坐，侍立終日，隨先主周旋，不避艱險。
- 羽善待卒伍而驕於士大夫，飛愛敬君子而不恤小人。

第十五講 關羽、張飛與趙雲

-- 趙雲

□性情、為人

➤為人高潔，行事謹嚴

✓雲別傳曰：從平江南，以為偏將軍，領桂陽太守，代趙範。範寡嫂曰樊氏，有國色，範欲以配雲。雲辭曰：「相與同姓，卿兄猶我兄。」固辭不許。時有人勸雲納之，雲曰：「範迫降耳，心未可測；天下女不少。」遂不取。範果逃走，雲無纖介。

第十五講 關羽、張飛與趙雲

-- 趙雲

□性情、為人

➤為人高潔，行事謹嚴

✓雲別傳曰：先是，與夏侯惇戰於博望，生獲夏侯蘭。蘭是雲鄉里人，少小相知，雲白先主活之，薦蘭明於法律，以為軍正。雲不用自近，其慎慮類如此。

第十五講 關羽、張飛與趙雲

-- 趙雲

□性情、為人

➤為人高潔，行事謹嚴

✓雲別傳曰：先主入益州，雲領留營司馬。此時先主孫夫人以權妹驕豪，多將吳吏兵，縱橫不法。先主以雲嚴重，必能整齊，特任掌內事。權聞備西征，大遣舟船迎妹，而夫人內欲將後主還吳，雲與張飛勒兵截江，乃得後主還。

第十五講 關羽、張飛與趙雲

-- 趙雲

□性情、為人

➤忠於國事，不圖己私

✓雲別傳曰：益州既定，時議欲以成都中屋舍及城外園地桑田分賜諸將。雲駁之曰：「霍去病以匈奴未滅，無用家為，令國賊非但匈奴，未可求安也。須天下都定，各反桑梓，歸耕本土，乃其宜耳。益州人民，初罹兵革，田宅皆可歸還，今安居復業，然後可役調，得其歡心。」先主即從之。

第十五講 關羽、張飛與趙雲

-- 趙雲

□性情、為人

➤義救黃忠，以智勇破曹

✓夏侯淵敗，曹公爭漢中地，運米北山下，數千萬囊。黃忠以為可取，雲兵隨忠取米。忠過期不還，雲將數十騎輕行出圍，迎視忠等。

第十五講 關羽、張飛與趙雲

-- 趙雲

□性情、為人

➤義救黃忠，以智勇破曹

✓值曹公揚兵大出，雲為公前鋒所擊，方戰，其大眾至，勢偪，遂前突其陳，且鬥且卻。公軍敗，已復合，雲陷敵，還趣圍。將張著被創，雲復馳馬還營迎著。公軍追至圍，此時沔陽長張翼在雲圍內，翼欲閉門拒守，而雲入營，更大開門，偃旗息鼓。公軍疑雲有伏兵，引去。雲雷鼓震天，惟以戎弩於後射公軍，公軍驚駭，自相蹂踐，墮漢水中死者甚多。先主明旦自來至雲營圍視昨戰處，曰：「子龍一身都是膽也。」作樂飲宴至暝，軍中號雲為虎威將軍。

第十五講 關羽、張飛與趙雲

-- 趙雲

□性情、為人

➤有遠識，忠諫劉備勿伐吳

✓孫權襲荊州，先主大怒，欲討權。雲諫曰：「國賊是曹操，非孫權也，且先滅魏，則吳自服。操身雖斃，子丕篡盜，當因眾心，早圖關中，居河、渭上流以討凶逆，關東義士必裹糧策馬以迎王師。不應置魏，先與吳戰；兵勢一交，不得卒解。」先主不聽，遂東征，留雲督江州。先主失利於秭歸，雲進兵至永安，吳軍已退。

第十五講 關羽、張飛與趙雲

-- 趙雲

□ 事蹟

➤ 先事公孫瓚，後歸劉備

✓ 趙雲字子龍，常山真定人也。本屬公孫瓚，瓚遣先主為田楷拒袁紹，雲遂隨從，為先主主騎。

第十五講 關羽、張飛與趙雲

-- 趙雲

□ 事蹟

➤ 先事公孫瓚，後歸劉備

✓ 雲別傳曰：雲身長八尺，姿顏雄偉，為本郡所舉，將義從吏兵詣公孫瓚。時袁紹稱冀州牧，瓚深憂州人之從紹也，善雲來附，嘲雲曰：「聞貴州人皆願袁氏，君何獨迴心，迷而能反乎？」雲答曰：「天下洶洶，未知孰是，民有倒縣之厄，鄙州論議，從仁政所在，不為忽袁公私明將軍也。」遂與瓚征討。

第十五講 關羽、張飛與趙雲

-- 趙雲

□ 事蹟

➤ 先事公孫瓚，後歸劉備

✓ 時先主亦依託瓚，每接納雲，雲得深自結託。雲以兄喪，辭瓚暫歸，先主知其不反，捉手而別，雲辭曰：「終不背德也。」先主就袁紹，雲見於鄴。先主與雲同床眠臥，密遣雲合募得數百人，皆稱劉左將軍部曲，紹不能知。遂隨先主至荊州。

第十五講 關羽、張飛與趙雲

-- 趙雲

□ 事蹟

➤ 當陽護幼主

✓ 及先主為曹公所追於當陽長阪，棄妻子南走，雲身抱弱子，即後主也，保護甘夫人，即後主母也，皆得免難。

✓ 雲別傳曰：初，先主之敗，有人言雲已北去者，先主以手戟擲之曰：「子龍不棄我走也。」頃之，雲至。

第十五講 關羽、張飛與趙雲

-- 趙雲

□ 事蹟

➤ 劉備入蜀，留趙雲守荊州

✓ 先主入蜀，雲留荊州。

➤ 後隨諸葛亮入川

✓ 先主自葭萌還攻劉璋，召諸葛亮。亮率雲與張飛等俱泝江西上，平定郡縣。至江州，分遣雲從外水上江陽，與亮會于成都。成都既定，以雲為翊軍將軍。

第十五講 關羽、張飛與趙雲

-- 趙雲

□ 事蹟

- 夷陵戰前勸劉備勿伐吳
- 隨諸葛亮北伐，雖以勢弱失利箕谷，然未大敗
 - ✓ 五年，隨諸葛亮駐漢中。明年，亮出軍，揚聲由斜谷道，曹真遣大眾當之。亮令雲與鄧芝往拒，而身攻祁山。雲、芝兵弱敵彊，失利於箕谷，然斂眾固守，不至大敗。軍退，貶為鎮軍將軍。

第十五講 關羽、張飛與趙雲

-- 趙雲

□ 事蹟

➤ 隨諸葛亮北伐，雖以勢弱失利箕谷，然未大敗

✓ 雲別傳曰：亮曰：「街亭軍退，兵將不復相錄，箕谷軍退，兵將初不相失，何故？」芝答曰：「雲身自斷後，軍資什物，略無所棄，兵將無緣相失。」雲有軍資餘絹，亮使分賜將士，雲曰：「軍事無利，何為有賜？其物請悉入赤岸府庫，須十月為冬賜。」亮大善之。

第十五講 關羽、張飛與趙雲

-- 趙雲

□ 事蹟

➤ 趙雲之死

✓ 七年卒，追諡順平侯。

第十五講 關羽、張飛與趙雲

-- 趙雲

□ 事蹟

➤ 趙雲之死

✓ 雲別傳：載後主詔曰：「雲昔從先帝，功積既著。朕以幼沖，涉塗艱難，賴恃忠順，濟於危險。夫諡所以敘元勳也，外議雲宜諡。」大將軍姜維等議，以為雲昔從先帝，勞績既著，經營天下，遵奉法度，功效可書。當陽之役，義貫金石，忠以衛上，君念其賞，禮以厚下，臣忘其死。死者有知，足以不朽；生者感恩，足以殞身。謹按諡法，柔賢慈惠曰順，執事有班曰平，克定禍亂曰平，應諡雲曰順平侯。

第十五講 關羽、張飛與趙雲

-- 趙雲

□ 史家之評論

- 陳壽評曰：關羽、張飛皆稱萬人之敵，為世虎臣。羽報效曹公，飛義釋嚴顏，並有國士之風。然羽剛而自矜，飛暴而無恩，以短取敗，理數之常也。...黃忠、趙雲彊摯壯猛，並作爪牙，其灌、滕之徒歟？

第十五講 關羽、張飛與趙雲

-- 趙雲

□ 史家之評論

- 師案：陳壽以關羽報曹公，與張飛釋顏嚴，均屬義也，故稱二子有國士之風，非一般勇夫耳。但對趙雲則僅言勇猛，只視之為劉備之心腹，恐因趙雲一生無關、張行大義之事故耳。

第十五講 關羽、張飛與趙雲

-- 趙雲

□ 史家之評論

- 趙翼：魏程昱、劉奕，吳之周瑜均盛讚關、張之勇，謂其勇冠三軍，為萬人敵，是熊虎之將。

第十五講 關羽、張飛與趙雲

-- 趙雲

□ 史家之評論

- 禰衡：一直到兩晉南北朝言勇者必舉關張，而不提趙雲，直至羅貫中的三國演義才把趙雲的英風特加描寫，為子龍吐一口氣，蓋小說家亦有不平之意。子龍的勇武不下於關張，而識見實在二人之上，...也許趙雲為人過於謹慎，氣魄不大，不能擔當大任。但昭烈終生未與他獨當一面的機會，則也難說趙雲一定不能擔當大任。從三國志本傳及裴注引的別傳所載子龍的事蹟，可以看出他受命之後都能宛轉達成任務。

第十五講 關羽、張飛與趙雲

-- 趙雲

□ 史家之評論

- 又：雲有諸葛亮之謹慎而無其才學，有關張之勇武而無其威名，又生在草創激切的時代，與他那平和穩重的作風不合，故終昭烈之世，他的職位只在二三流之間。
- 師案：趙雲即使在當時及兩晉南北朝雖未如關、張享盛名，然羅貫中卻依雲別傳寫下趙雲的風神，此亦可算是一種補償。

第十五講 關羽、張飛與趙雲

-- 趙雲

□ 史家之評論

- 師案：陳壽三國志評曰云關、張為國士，評趙雲為爪牙，而羅貫中卻將三子等齊視之，何故？因三國志為正史，必須就三國歷史作完整評斷，關羽報曹操與張飛釋顏嚴均為以義對待不同陣營之人，義氣干雲，故以有大器識之國士許之。至於趙雲或因性格，或因機遇，未有此表現，故陳壽僅以劉備之爪牙視之，並評為灌、滕之屬，即就忠於劉備視之，同灌、滕效忠劉邦一般。至於三國演義，將趙雲放在劉備陣營觀之，其實與陳壽觀點無二，唯演義聚焦在蜀漢時，趙雲被讀者明顯看到了，而他在蜀漢陣營的獨特性：忠、勇、智，尤其是德行，更讓後人深深喜愛他，如是而已。